



**KERAJAAN MALAYSIA**

---

**SURAT PEKELILING AKAUNTAN NEGARA  
MALAYSIA BILANGAN 3 TAHUN 2021**

**PERATURAN BAYARAN BANTUAN KHAS  
KEWANGAN AIDILFITRI TAHUN 2021**

---

**JABATAN AKAUNTAN NEGARA MALAYSIA**

## KANDUNGAN

1.	TUJUAN .....	1
2.	LATAR BELAKANG .....	1
3.	PELAKSANAAN .....	2
4.	HAL-HAL LAIN .....	5
5.	TARIKH KUAT KUASA.....	5
6.	PEMAKAIAN .....	6

JANM.BKP.600-14/1/11Jld.3(01)



**KERAJAAN MALAYSIA**

**SURAT PEKELILING AKAUNTAN NEGARA MALAYSIA  
BILANGAN 3 TAHUN 2021**

Semua Ketua Setiausaha Kementerian  
Semua Ketua Jabatan Persekutuan

**PERATURAN BAYARAN BANTUAN KHAS KEWANGAN AIDILFITRI TAHUN 2021**

**1. TUJUAN**

Surat Pekeliling ini adalah bertujuan untuk memberi garis panduan kepada Kementerian/Jabatan mengenai peraturan Bayaran Bantuan Khas Kewangan Aidilfitri Tahun 2021 kepada pegawai Perkhidmatan Awam Persekutuan dan pegawai yang layak selaras surat edaran Jabatan Perkhidmatan Awam Malaysia dan Kementerian Kewangan Malaysia.

**2. LATAR BELAKANG**

- 2.1 Kerajaan telah menetapkan kadar Bayaran Bantuan Khas Kewangan Tahun 2021 adalah sebanyak RM500 kepada Kumpulan Pengurusan dan Profesional serta Kumpulan Pelaksana Gred 56 dan ke bawah termasuk pegawai kontrak dan sementara iaitu *Contract Of Services (COS)*, *Contract For Services (CFS)*, Pegawai Sambilan Harian (PSH) serta pegawai lantikan di bawah MySTEP.
- 2.2 Kadar Bayaran Bantuan Khas Kewangan Aidilfitri Tahun 2021 sebanyak RM250 juga dipanjangkan pemberiannya kepada pesara kerajaan yang menerima pensen, penerima pensen terbitan, pesara Skim Kumpulan Wang Simpanan Pekerja (KWSP), veteran berpencen dan veteran tidak berpencen sebanyak RM250.
- 2.3 Surat Pekeliling ini disediakan selaras dengan peraturan berikut:
  - 2.3.1 Surat Kementerian Kewangan Malaysia rujukan MOF.NBO(S)600-9/1/1 JLD. 3(18) bertarikh 22 April 2021 – Bantuan Khas Kewangan Aidilfitri Tahun 2021.

- 2.3.2 Surat Jabatan Perkhidmatan Awam Malaysia rujukan JPA.800-3/2/1(29) bertarikh 23 April 2021 – Bantuan Khas Kewangan Aidilfitri Tahun 2021.
- 2.3.3 Surat Kementerian Kewangan Malaysia rujukan MOF.DS(S)600-40/3/3(30) bertarikh 28 April 2021– Bantuan Khas Kewangan Aidilfitri Tahun 2021 *Contract For Service* Tahun 2021.
- 2.3.4 Emel daripada Kementerian Kewangan Malaysia bertarikh 30 April 2021 – Pengecualian Cukai Bantuan Khas Kewangan Aidilfitri Tahun 2021.

### **3. PELAKSANAAN**

Surat Pekeliling Akauntan Negara Malaysia (SPANM) ini hendaklah dibaca bersama SPANM Tatacara Pengurusan Bayaran Emolumen Pegawai Persekutuan yang berkuat kuasa. Pelaksanaan tatacara perakaunan bagi Bayaran Bantuan Khas Kewangan Aidilfitri Tahun 2021 adalah seperti berikut:

#### **3.1 Tarikh Pembayaran**

Bayaran Bantuan Khas Kewangan Aidilfitri Tahun 2021 ini akan dibayar bersama dengan gaji bulan Mei iaitu pada **6 Mei 2021 (Khamis)**.

#### **3.2 Peruntukan Untuk Membayar Bayaran Bantuan Khas Kewangan Aidilfitri Tahun 2021**

Kementerian/Jabatan hendaklah membayar Bantuan Khas Kewangan Aidilfitri Tahun 2021 menggunakan peruntukan tahun 2021. Sekiranya peruntukan ini tidak mencukupi, permohonan peruntukan tambahan hendaklah dibuat kepada Perbendaharaan.

#### **3.3 Kaedah Bayaran Bantuan Khas Kewangan Aidilfitri Tahun 2021**

Terdapat dua (2) kaedah Bayaran Bantuan Khas Kewangan Aidilfitri Tahun 2021 iaitu melalui:

##### **3.3.1 Bayaran melalui Sistem Emolumen Berkomputer**

###### **(1) Tanggungjawab Pejabat Perakaunan (AO)**

- i. Mengeluarkan **Laporan Penerima Bayaran Bantuan Khas Kewangan Aidilfitri Tahun 2021** kepada Pusat Tanggungjawab (PTJ).
- ii. Mengemaskini data Penerima Bayaran Bantuan Khas Kewangan Aidilfitri Tahun 2021 di dalam sistem.
- iii. **Memproses Bayaran** Bantuan Khas Kewangan Aidilfitri Tahun 2021 **setelah Pusat Tanggungjawab (PTJ) mengesahkan Laporan Penerima Bayaran Bantuan Khas Kewangan Aidilfitri Tahun 2021.**

**(2) Tanggungjawab Pusat Tanggungjawab (PTJ)**

- i. Menyemak Laporan Penerima Bayaran Bantuan Khas Kewangan Aidilfitri Tahun 2021. **Pegawai yang tidak layak hendaklah dikeluarkan daripada laporan tersebut.**
- ii. Mengemukakan Laporan Penerima Bayaran Bantuan Khas Kewangan Aidilfitri Tahun 2021 yang telah disemak kepada Pejabat Perakaunan.
- iii. Mengutip **semua amaun** yang telah dibayar kepada pegawai yang **tidak layak** menerima Bayaran Bantuan Khas Kewangan Aidilfitri Tahun 2021 dengan kaedah berikut:
  - a. Bagi pegawai yang masih berkhidmat, tindakan pemotongan secara sekaligus hendaklah diambil bagi bayaran emolumen bulan berikutnya. Pegawai dalam Kumpulan Pengurusan Tertinggi dan setaraf termasuk pegawai yang memangku, dipinjam/tukar sementara dan penempatan khas ke Gred Jawatan Utama/Gred Khas adalah tidak layak dibayar Bantuan Khas Kewangan ini.
  - b. Bagi pegawai yang dikenakan hukuman tatatertib dalam tempoh 1 Januari 2021 hingga 6 Mei 2021, kutipan tunai hendaklah dibuat daripada pegawai.
  - c. Bagi pegawai yang ditamatkan perkhidmatan demi kepentingan awam dan pegawai yang meletak jawatan dalam tempoh 1 Januari 2021 sehingga 6 Mei 2021, kutipan tunai hendaklah dibuat daripada pegawai.
  - d. Bagi pegawai berpencen yang melepaskan hak pencen kerana menyertai Badan Berkanun Yang Diasingkan Saraan, kutipan tunai hendaklah dibuat daripada pegawai.
- iv. PTJ hendaklah memastikan tiada keciciran dalam pembayaran kepada pegawai yang layak dibayar melalui Sistem Emolumen Berkomputer.

**3.3.2 Bayaran Melalui Arahan Pembayaran (Kew.330E)****(1) Tanggungjawab Pejabat Perakaunan**

Pejabat Perakaunan hendaklah memantau dan mendapatkan pengesahan PTJ untuk memastikan PTJ menyempurnakan Bayaran Melalui Arahan Pembayaran (Kew.330E) bagi pegawai yang tiada dalam Sistem Emolumen Berkomputer.

**(2) Tanggungjawab Pusat Tanggungjawab (PTJ)**

- i. Menyediakan Arahan Pembayaran (Kew.330E), jenis dokumen - Invois Tanpa Pesanan Kerajaan (K2) berserta Penyata Perubahan Mengenai Pendapatan Seseorang Pegawai (Kew.8) dan dokumen sokongan yang lain.
- ii. Memastikan pegawai yang dibayar melalui Arahan Pembayaran (Kew.330E) menerima bayaran pada 6 Mei 2021.
- iii. PTJ hendaklah memastikan tiada kecaciran dalam pembayaran kepada pegawai yang layak dibayar melalui Arahan Pembayaran (Kew.330E).

3.4 Potongan ke atas Cukai Pendapatan, Caruman Kumpulan Wang Simpanan Pekerja (KWSP) dan Caruman Pertubuhan Keselamatan Sosial Pekerja (PERKESO) tidak dilaksanakan tertakluk seperti berikut:

**3.4.1 Cukai Pendapatan**

Bayaran Bantuan Khas Kewangan Aidilfitri Tahun 2021 tidak akan dikira sebagai pendapatan bagi tujuan pengiraan cukai pendapatan.

**3.4.2 Caruman Kumpulan Wang Simpanan Pekerja (KWSP)**

Bayaran Bantuan Khas Kewangan Aidilfitri Tahun 2021 ini adalah tidak termasuk di bawah definisi "Upah" sepertimana yang diperuntukkan di bawah Seksyen 2, Akta Kumpulan Wang Simpanan Pekerja (KWSP) 1991 (Akta 452). Sehubungan dengan itu ianya tidak perlu dicarumkan ke Kumpulan Wang Simpanan Pekerja (KWSP).

**3.4.3 Caruman Pertubuhan Keselamatan Sosial Pekerja (PERKESO)**

Bayaran Bantuan Khas Kewangan Aidilfitri Tahun 2021 ini tidak perlu dicarumkan ke Pertubuhan Keselamatan Sosial Pekerja (PERKESO).

**3.5 Kod Urus Niaga**

Kod urus niaga yang perlu digunakan bagi Bayaran Bantuan Khas Kewangan Aidilfitri Tahun 2021 adalah seperti berikut:

<b>Kod Akaun</b>	<b>Perihal Kod</b>
B0117102	Bantuan Khas Kewangan Kakitangan Awam
B0117202	Bantuan Khas Kewangan Pasukan Keselamatan
B0229306	Pemberian Khas Kakitangan Kerajaan Tidak Menyanggah Jawatan Tetap, Pekerja Sementara dan Sambilan

**4. HAL-HAL LAIN**

Pertanyaan lanjut mengenai Surat Pekeliling Akauntan Negara Malaysia (SPANM), boleh dirujuk kepada pihak berikut:

Bahagian Pengurusan Operasi Pejabat Perakaunan (BPOPP)  
Jabatan Akauntan Negara Malaysia  
Aras 4, Kompleks Kementerian Kewangan  
No.1, Persiaran Perdana  
62594, Presint 2  
Putrajaya  
u.p : Unit Pengurusan Prestasi  
Emel : unit\_prestasi@anm.gov.my  
No. Tel : 03-8882 1624/1612/1622/1611

**5. TARIKH KUAT KUASA**

Surat Pekeliling ini berkuat kuasa mulai pada tarikh ianya dikeluarkan.

## 6. PEMAKAIAN

Kementerian/Jabatan Persekutuan dan Pejabat Perakaunan hendaklah memastikan peraturan yang ditetapkan dalam surat pekeliling ini dipatuhi. Peruntukan surat pekeliling ini juga dipanjangkan kepada semua Perkhidmatan Awam Negeri, Badan Berkanun Persekutuan, Badan Berkanun Negeri dan Pihak Berkuasa Tempatan tertakluk kepada penerimaan oleh pihak berkuasa masing-masing.

**"PRIHATIN RAKYAT: DARURAT MEMERANGI COVID-19"**

**"BERKHIDMAT UNTUK NEGARA"**

***"Inovasi Digital Pemacu Prestasi Unggul"***

Saya yang menjalankan amanah,

  
(DATUK DR. YACOB BIN MUSTAFA C.A.(M))  
Akauntan Negara Malaysia

JABATAN AKAUNTAN NEGARA MALAYSIA  
PUTRAJAYA

 April 2021

s.k:

Ketua Setiausaha Negara  
Ketua Pengarah Perkhidmatan Awam  
Ketua Setiausaha Perbendaharaan  
Ketua Audit Negara  
Semua YB Setiausaha Kerajaan Negeri  
Semua YB Pegawai Kewangan Negeri  
Semua Ketua Jabatan Negeri  
Semua Ketua Akauntan Kementerian  
Semua Pengarah Negeri/Cawangan Jabatan Akauntan Negara Malaysia  
Semua Akauntan Negeri/Bendahari Negeri  
Pengarah Jabatan Arah Urusan Gaji Angkatan Tentera (UGAT)  
Ketua Pengarah Jabatan Hal Ehwal Veteran (JHEV)